

Relato di Prensa

Postbus 1163, Oranjestad, Aruba

Havenstraat 2

Oranjestad

Aruba

T ++ (297) 521 4100

F ++ (297) 521 4190

Na	Tur media
Di	Ministerio Publico
Fecha	5 april 2017
Pagina's	1

PG ta entrega premio na ganador di Requireerwedstrijd

Riba diahuebs 30 di maart ultimo e ronda preliminar di e OM Requireerwedstrijd a tuma lugar na Corte den Prome Instancia di Aruba. Riba iniciativa di Ministerio Publico, Universidad di Aruba a organiza hunto cu fiscal mayor Eric Olthof y fiscal Rob Rammeloo, un asina yama requireerwedstrijd.

Esaki a encera cu dos estudiante a drenta den rol di fiscal di husticia den un caso penal ficticio dilanti señora Van Wersch, huez di Corte den Prome Instancia aki na Aruba. E rol di sospechoso tabata den man di abogado-stagiaire Daniël Rasmijn, kende ta traha pa HBN Law. El a wordo representa pa su abogado señora Lotter-Homan, senior associate na HBN Law.

Tur dos candidato, Wouter Roelens y Journey Tromp, ta estudiante di prome y di dos aña na Facultad di Derecho na Universidad di Aruba. Nan a wordo guia pa Remy Gaarhuis y Ruth Bonnevalle, ambos docente di Ley Penal y Ley di Procedimiento Penal na Universidad di Aruba. E candidatonan a hunga nan rol di fiscal di husticia na un manera hopi convincente door di trece e aspectonan huridico dilanti na un manera detaya y preciso, y convence Huez Van Wersch di nan razon. Despues di deliberacion cuidadoso tras di porta cera den raadkamer, e hurado a scoge finalmente Journey Tromp como ganador.

E premio a wordo entrega awe na Journey dor di Procurador General di Aruba, Alexander van Dam. Journey lo representa Universidad di Aruba riba 14 di april venidero na e OM Requireerwedstrijd 2017 na Corte di Amsterdam, Hulanda.

Pabien!

